

ye yecoā intlaltiepac. y yeniquaquauhtzi huiya noconnequi xochitl ma nomac om-
maniqui ninentlamatia yo haye y ho ohua yhya ohuaya.

Çan nel patonyazque y naie timiquizque huiya maça nichalehuitl inteocui-
tlatl o çayenonipitzaloz ni ma malihuaz intlatillan o çano yoliyo çaye niqua
quauhtzin ni notolinia y ho ett^a.

Çan netequitl y xo nahuiaca xon a ahuiaca antocnihua at amon ahuezque at
ahuēla matizque tocnihua nohuaye çā niquiz in yectli xochitl y yectli yan cui-
catl y ahua yao ahua yia yiaa ohuaya ohuaya.

Ayquin oxopan in quichihua yenica y ninotolinia çā yeniqua quauhtzin huiya
at amon ahuezque at ahuellamatizque tocnihua o ohuaye can ni cuiz in yectli
xochitl ett^a.

NICAN OMPEHUA TEPONAZCUICATL.

Tico, tico, toco toto, aul icontlantiuh cuicatl tiquiti titito titi.

Tolla naya huapallalli manca noça in mahmani coatlaquetzalli yaqui yacauh-
tehuac Naxitl topiltzin onquiquiztica yechoquililo into pilhua ahua y yauh
in polihuitiuh nechean tlapallan ho ay.

Neehcayan cholollan oncan tonquicaya poyauhtecatitlan in quiya pana huiya
y acallan onquiquiz ticayechoquililon &^a.

Nonohualco yenihuitz yenihui quecholi nimamali teuctla nicnotlamatia oyah-
quin noteuc yehuitimāli necha icnocauhya ni matlac xochitl ayao ayao o ay
ya y yao ay.

Intepetl huitomica niya yehocaya *axalihqueuhca* nic notlamatia yehuayan oya-
quin noteuc ett^a.

Yntlapallan aya mochiēloca monahuatiloca yecochiztla oanca çaçanco ayao
ayao &^a.

Çantiyaolina yenoteuc yehuitimāli tinahuatiloa yexicalanco o anca çā-
canco &.

Ay yanco ay yanco ayamo aye ay huiya ayanco ay yanco ayamo a ye ahuiya
que ye mamāniz mocha moquiapana o queyemahmaniz motenc calla tic ya
yenocauhqui nican tollan nonohualco ya y ya y yao ay.

Ynequinti chocaya teuctlon timalon queyema maniz mochan &.

Yntetl inquahuitl o on timicuilotehuac nachean tollan y ynon can inotontlatoco
Naxitl topiltzin y ayepolihiuz yemotoca yeic yechocaz in mo macehual ay yo.

Çan can xiuhcalliya cohuacalla yaynotiematehuac nachean tollan y inoncan
ynotontlatoco Naxitl topiltzin &.

Tico toco tico tiquitiqiti qiti qito. Canic mocueptiuh.

Ytlapapal xochicentli niyolaya nepapan tonacan xochitl moyahuaya oncuepon-
ti moquetzaco yanaya aya yeteoya ixpan tona a Santa Maria ay yo.

Atl ya yacuicaya çanquetzal axihuitl tomolihui yanaya yenitla chihual ycel-
teotl y ye dios aya ni ytlayocol aoya yehcocyaz &.

Çan catlacuilolpan nemia moyollo amoxpetlatl ypan toncuicaya tiqui monyai-
totia teteuctin aya in obispo ya çacatotatzin aya oncan titlatoa atlitempan ay yo.

Yehuan Dios mitzyocox aya xochitla ya mitztlacatili yancuicatl mitzcuilola
Santa Maria in obispo ya &.

Toltecaihcuilihua aha ayaha ontlantoc amoxtliya moyollo ya onaya mochon
ahciticac oo toltecayo ota ycaya ninemiz yenican ay yo.

Ay ya nech cuiliz ac yenohuan oyaz onicaz a anni ihcuahuan aya y yan cui-
canitl y yehetl y noxochiuh non cuica yhuitequi onteixpa ay yo hueyntetl nictē-
quin tomahuacquahuitl nic ycuilola yan cuicatl ytech aya oncan nomitoz inquen
manon incaniyaz nocuica machio nic ya cauhtiaz in tlaltiepac. y on nemiz noyol
çancayenican y ahua y yancoya nol namicoca nemiz yenoteyo ay yo.

Nichocaya niquittoaya nicnotzanoyollo maniquittan cuica nelhuayotl aya ma-
nic ya tlalaquiya maicaya tlaltiepac. quimma mochihua on nenemiz noyol &.

Çancateuxochitl ahuiaca ypotocaticac mocepanoa yantoxochiuh ay ye ayao
huiyoncanqui ya itz molini yenocuic celia notlatollaquillo o hua intoxochiuh
yeac y quiapani ayao.

Telcacahuaxochitl ahuiac xeliuhtihuitz a ihpotocaya inahuiyac poyomatlin
pixahuia oncan nine nenemi nicuicanitl y ye ayao ohui yoncaquiya itzmolini
yenocuic celia &.

Toco tico to Coto co tititico tititico çanicmo cueptiuh.

Huextzincayotl
vintiendo los de hue-
xotzincos a pedir socorro
a motenecoma o tlaxcala.

Tlacuiloltzetzeliuhticac moyoliol timoteucçomatzi nic huicati huitz nictetzelo-
tihuitz y o huetzcani xochinquetzalpapalotl noquetzaliçouhtihuitz nocon ihtotia
chalehiuh atlaquiquiz copa niya hueloncuica chalehiuh huila capitztl nictēcui-
tlapitza yaho aylaya ohaye ohuichile amiyacale.

Ohuaya yeon nic eelehua moxochiuh aya ypalnemoani yehuaya Dios aya ili-
huan ca nahuiche nictetzeloaya noncuicatilo ya hoy.

Tozmilini xochitl in noyol yol ay yahue tozmilini xochitl noteponaz ay an co
ayancayome oncana y ya hue nicxochiamoxtoz immanaya ytlatol ayanco ayanc-
ayome ho.

Xompaqui xonahuia o nochi panicantiyazque yeichano nohueyetzin teuctli Moteucgomatzi totlaneuh tlalticpac. totlaneuh velic xochitl o ayanco &.

Tlachinoltepec ynahuicacopa tioxchitonameyotimoquetzaco y yehuan Dios a oceloçacatl ypanquauhtlichoca ymopopoyauhtoc y yanco y liyan cay yahue ayli y yacalco y ya y yeho çaca y yahue.

Ohuaya ye he nipatlantinemia ixpan Dios a ninçoçohuaya tlahuquechol çaquan quetzalin tlaya hualolpapalotl mopilihuitzetzeloa teixpana xochiatlaqui-quizcopa ohtlatoca yenocueic y yanco ili &.

Nehcoya ompayenihuitz huiya xoxouhqui hueyatla ymancan aya çanniman oli ni poçoni tetcuica ycnipatlania çanniquetzal intototl xiuhquechol tototl nochiuhtihuitz y niya hui nacia huexotzinco atzalan ayome.

Çan niquintocaz ayaniquimiximatitih nohueyotzitzin huan chalchiuhquechol y çanca xiuhquechol in teocuitlapapalotl in cozcatototl ontlapia yeonca huexotzinco atzalan ayome.

Xochiatzalaan teocuitlaatl chalchiuhatl ynepaniuhyan ytlatoya inquetzalcanauhtli quetzal no cuitlapilli cuecuyahuaya yliya yliya yaho ayli yaho aye hui-chile anicale.

Huecapan niheac ni cuicanitl huiya çaquanpetia tolini manica yeninemia nie yeyectian cuicatla in nie xochiotia yayaho yahi.

Tico tico ticoti ticotico ticoti auhycontlatiuh in cuicatl totocotocoto.

Xichocayan nieuicanitl nie itta noxochiuh çan nomac omania çanqui huitia yenoyol in cuicatl aya no huian nemia, çancaye noyollo notlayocola in cayo.

Xiuhlamatelolla quetzalchalchiuhtla ipan yenicmatia nocuic aya mayectla-xochitly çan nomac om mania &.

Ynquetzalin chalchiuhtla ipan yenicmatia yectli yenocueic yectli noxochiuh anni cui huan tepilhuanaya xonahuiacan a ayac on nemiz o in tlalticpac ayo.

Oan niquitquiz yeniaz yectli nocuic yectli noxochiuhui an nieuihuan tepilhuan aya.

Ohuay anco o nichocaya ahuyaneco ocahua y yahue nietzetzeloxochitl ay yo.

Mach nohuan tonyaz quenonamica o ahneitquiz xochitl çan nieuicanitl huiya maya xonahuiya cantoyanemia ticaqui yenocueic ahay ye et^a.

Aycanichocaya nieuicanitl y aychaa huicaloyan cuicatl ha mictlantemohuiloya yectli ya xochil onca ya onca a y yao ohuayan caya ylacatziuh ancana y yo &.

Amonequimilool amonecuiltonol antepilhuan aychaa ohuicalo yan cuicatl.

YCUIC NEÇAHUALCOYOTZIN.

Totoco totoco tico totoco totoco ycontlantiuh tico titico titico tico.

Nicayaquetzaco tohuehueuh ao niquimitotia quauhtlo celo yncatiya yhcacin cuicaxochitl nietemoancuicatl yetonequimilol ay yo.

Tinopiltzi o tineçahualcoyotl otiya mictla quenonamica y yecemiyoncan ay yo.

Quiyon quiyoncaya nichocaya ani Neçahualcoyotl huiya queni yenoyaz o yanipoliuhiz oyamiquitlaz yenimitzcahuan noteouh ipalnemoo tinech nahuatia yeniaz nipoliuhiz ay yo.

Quenon maniztlallin acolihuacan huiya cuixocquenmano otic mohmoyahuaz in momacehuali yenimitzcahuan noteouh.

Can yio cuicatli tonequimilol quipoloa ya a intotlacuiloli tepilhuan oo maya huilihua nican aya ayac ychan tlalticpac oo ticyacencahuazque huelic yexochitl ayio.

Oāyae quitlamitaz monecuiltonol ypalnemoa a noyolquimati cuelachic otic-tlanehuico neçahualcoyotzin ay oppatihuan nican anaya ycha tlalticpac oon yna yoppatihua in tlalticpacqui çanicuicanitl ayaho onnichoca ya niquelnamiqui neçahualcoyotl ay yo.

Xoacico yenican in Dios aya ypalnemoa ayaho on nichocaya a niquelnimiqui neçahualcoyotl ay io.

Quititi quititi quiti quiti tocoto tocoti tocotocoti çanicmocueptiuh.

Maxochienicoya maihtoa nie huana ay yahue teyhuinti xochitl aoya no yhecocyenica poyomaxahuallan timaliuhitihuitz ay yo.

Maxochitl oyecoc yenican ay yahue çantla ahuihochitla moya huaya motzetze-loa ancaçoyehuatl in nepapaxochitl ay io çancomoni huehuatl maya nehtotilo et^a.

Ynquetzalpoyomatla ye yheuilihuic noyol nieuicanitl inxochitl ayan tzetze-lihui y aancuel ni cuiya maxonahuiacan ayio çan noyolitic ontlapanion cuica xochitl nie ya moya huaya y xochitla &.

Cuicatli ya ninoquimilotehuaz inquenmania xochineneliuhtiaz noyollo yehuan tepilhuan o onteteuctin in cayio.

Canyeic nichoca inquenmanian çan nicaya ihtoa noxochiteyono cuicatona nie-tlalitehuaz inquenmania xochineneliuhtiaz et^a.



Tico toco tocoto incontlantiuh ticoto ticoto.

Toztli yan quechol nipatlantinemia intlallaicpac oquihuinti yenoyol a hua y yai.

Niquetzaltototl niyecoya yeiquiapan ycelteotl yxochitipac nihueloneuica oo nicuicaihtoa paquiyenoyol ahuay &.

Xoehiatl inpoçontimania yntlallaicpac oquihuintiyenoyol ahua & ninochoquilia niquinotlamati ayac in chan ontlallipac ahua &.

Çan niquittoaya yeni Mexicatli maniya huiya nohtlatoca tequantepec ni ya hui polihuin chiltepehua aya yechoca intequantepehua ohuaye &.

Maca qualania no hueyo yehua Mexicatli polihui chil &.

Citlalin in po po caya ipanyemoteca yçayepolihiua çan yexochitecatl ohuaye &.

Çanyechocaya Amaxtecatl aya cayechocaya tequantepehua.

Toto tiquiti tiquiti icontlantiuh, toco tico tocoti toto titiqui toto titiquiti.

Oyamoquetz huehuetlooon maon netotilo teteuctin aya maonnetlanehuihuilo chalchihuitl onquetzalipatlahuac ayac ychan tlalticpac ayio çan nomac on mania ooo yxochiuh aya ipalnemoa maon netlanehuihuilo chalchihuitl.

Oyohualin colinia o on inicelteotl ipalnemoa anahuac o onnemias noyol ayio.

Y yancuica oncan quixima ipalnemoani cayenonoalco ahuilizapan i inteuctli yehua neçahualpilli y yece yeoncan aya intlacohtenanpan atlixco ayio.

Çan momac otitemic motlahuaçomal a icatic ahuiltia ycelteotl in teuctli yehua &.

Y yeho aye icnotlaminoyollo çan nino noalcatl çan can nicolintototl o noca-mapan aya Mexicatli inca yio.

Onquetzal pipixauhtoc motlachinolxochiuh ynipalnemoa çan canicoli &.

Toco toco tiqui tiqui ic ontlantiuh toco tico tocoti.

Mayapehualo yanicuihua in mayaon cuico yenica an aya oya yecoc ye huan Dios in cayio ymaycaya onahuilihuan tepilhuan a aya mocuic oya yehuan Dios oncantitemoc yehuan Dios a oncan huelin on cantlacat y ye Jesu chro. incayio.

Ynon can tlahuizcalli milintimani mochan aya moxochiuhaya Dios aya chalchihueponi maquitzetzelihi onnetlamachtilya incayio ynoncan yao nepapan iz huayo moxochiuh aya Dios a &.

Çan yexochitl moyahua oo çancaytlatol ynipalnemoani oontepan yemoteca anahuac oo ycatie huel mana atlon yantepetl ayio.

Çan temomac mania cemilhuatl in niman yetehuatl toconyaittoa ya ypalnemoani.

YCUIC AXAYACATZIN YTZCOATL MEXICOTLATOHUANI.

Coto tocoti tocoti cototi coto tocoti coto tocoti &.

Can nicantemoc yxochimiquiztli tlalpan aciyehua yenican intlapalla quichihuan tonahuac onoque ohuacacan y yanca yio.

Chiquiztlehuatliuh ayahue yece yeoncan nepan netlaçalo ylhuicatl ytici cuica-cho coa ica huiloan quenonamican ohuanca &.

Çan tonilhuicolon teotlatollin ticchiuh aya çan cantimomiquili initech in coloh tetlayocolti teicnotlamachti ticchiuh ay yio.

Oachanca oquitto intlacatl aya in mahmanatlatzihui ayac quiyocoyan ipalnomoa choquiz ilhuatl in yehuaya y xayo ilhuatl aya huallaocoya moyoloo tehuatl a in Santa Maria ohuanca &.

Can nel ocpahuitze teteuctin a ohuaye çan iquimonilnamiqui initzcoatl notlayocol o ohuaye itechacia noyol ay yo.

Oachanca ciahua ontlatzihuin Dios yehuachane ynipalnemoani o ayac tlaquahuac quichihuan tlalticpac ayan can nelpa tonyazque notlayocol ohuaye itechacia noyol &.

Yeonetocoto ohuiloaca intepilhuani intlatoanime teteuctin ayatechya icnoocauhtehuaque mayan tlayo coxti oantepilhuan ayio.

Machoc hualquinehuaya machoc hualilotihuayan canompa ximoa in cuix otechmati quih in Moteuççomatzin in neçahualcoyotzi totoquihuatzi tech yia ic no-cauh tehuzque mayan &.

Canon in nemia noyollo y Naxayaca o çaniquiyatemoa in techcahuaco in teçoçomoctli notlayocol a nocon aya ihtoa yan cayio.

Oanca in mahcehual atl oyantepetl huiya ainoquitquico inteteuctin inconcauhtehuaque o achacoc necehuiz achacoc huitz nechonmatiquiuh notlayocol aya &.

Y CUIC TLALTECATZIN QUAUHCHINANCO.

Totocoti tocoti tocoti & titocoti titocoti ictlantiuh.

Niepiecon tepetl cana niteloyan xochintlahcuiloaya ipalnemoani in co huayotl toncahuililoc yemocha an titlaltecatti tonayatlatoyan cay io o o ohui y ya.